

*Jepinski.*

6 junio 1926.

Honorato Collega,

Gratias pro articulo et littera de 29 N. API N. 3 jam es misso ad socios. Articulo de Vos pote es publicato in N. 4, simul cum fine, nam nos desidera de publica N. 4 amplo.

-----  
Forsan nostro activo direttore et thesaurario, per causa de suo officio, debe es translocato in Cagliari, Sardinia, multo longe ab Torino, et plus non pote collabora sicut hodie ad API.

Me ri sene; me habe 68 anno, et me ama quiete.

Ergo es utile quod Vos sume directione de API. Pro isto scopo, vos deba fac numerose publicationes, in modo que nomine de Vos fi noto inter socios et inter publico.

Me gaude quod idistas es favorable ad Vos. Illos vide claro quod Ido es Esp.o non satis reformato. Inter esperantistas, plure es fanatico, sed non omnes. Plure attende quod Interlingua ri plus diffuso quam esp.o, pro transi ad isto lingua. Nos non debe irrita illos.

Devah! et Weisbart concludere pauco, sed pote etiam es auxilio.

Ergo Vos debe publica manuale de Interlingua ad usu de polonos, et mitte illo ad professores, politicos, diurnales, etc. etc. , et inscribere socios, et cum quota de illos fac novo publicatione.

Es necessario uno publicatione periodico. Vos pote concordare cum idistas progressista, aut alios, pro publicatione, que debe es misso ad omne socio de API. Ita duo publicatione resulta concordante. Et quando inscriptos ab Vos ri majoritate, Vos resulta direttore de API. Me auxilia Vos pro isto scopo.

-----  
Me gaude pro nominatione de Vos ad membro de Societate linguistica Paris.

Es utile de inscribere socio de API Rozvadovski. Regulas que illo expone es evidente in omne problema scientifico, sive de Astronomia, sive super cultivatione de tritico. Es melius de expone factos et leges.

Salve, et augurio de successu.